



Broj: 07-11-1166/20
Vogošća, 07.08.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 07.08.2020. godine donio je

**ODLUKU
O PONIŠTENJU OTVORENOG POSTUPKA JAVNE NABAVKE RADOVA NA ZIMSKOM
ODRŽAVANJU LOKALNIH I NEKATEGORISANIH PUTEVA I TROTOARA NA PODRUČJU
OPĆINE VOGOŠĆA, U SEZONI 2020/2021. GODINE**

Član 1.

Poništava se Otvoreni postupak nabavke radova na zimskom održavanju lokalnih i nekategorisanih puteva i trotoara na području općine Vogošća, u sezoni 2020/2021. godine broj: 07-11-1166/20, jer primljena ponuda nije prihvatljiva.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 14.07.2020. godine donio Odluku o pokretanju Otvorenog postupka nabavke radova na zimskom održavanju lokalnih i nekategorisanih puteva i trotoara na području općine Vogošća, u sezoni 2020/2021. godine, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 16.07.2020. godine pod brojem: 1353-1-3-124-3-105/20.

Sažetak Obavještenja o nabavci objavljen je u "Službenom glasniku BiH" broj: 42/20 od 17.07.2020. godine.

Tendersku dokumentaciju sa Portala javnih nabavki BiH je preuzelo 10 (deset) ponuđača. Krajnji rok za dostavu ponuda bio je 04.08.2020. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 04.08.2020. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Ame" d.o.o. Breza, broj int. knjige 311/20, sa ponuđenom ukupnom cijenom nabavke u iznosu od 299.805,00 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1166/20 iz jula 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponuda ponuđača "Ame" d.o.o. Breza ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod b) TD, a u skladu sa članom 51. Zakona od ponuđača su zahtjevane obrazovne i profesionalne kvalifikacije lica koja su angažovana na izvođenju konkretnih radova, i to između ostalih da ponuđači imaju na raspolaganju i 7 (sedam) lica, SSS ili VŠS saobraćajne struke-III ili V stepen, smjer vozač motornih vozila (KV ili VKV vozači).

Tačkom 7.4.2. pod b) TD je propisano da su ponuđači dužni u ponudi dostaviti sljedeće pismene dokaze, i to između ostalog za 7 (sedam) lica, SSS ili VŠS saobraćajne struke-III ili V stepen, smjer vozač motornih vozila (KV ili VKV vozači) potrebno je bilo dostaviti Diplome/Svjedočanstva o završenoj traženoj stručnoj spremi i dokaze o radnom angažmanu, uz Napomenu III kojom je propisano da Dokazi o radnom angažmanu za sve tražene osobe mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 pod b) TD.

Ponuđač "Ame" d.o.o. Breza je u svojoj Ponudi (strana 121-124. Ponude) dostavio Diplomu o završenoj srednjoj stručnoj školi za Benarisa Brkića, KV vozača motornih vozila.

Ponuđač "Ame" d.o.o. Breza je u svojoj Ponudi (strana 133.-134. Ponude) kao dokaz o radnom angažmanu dostavio Listu osiguranih lica od 23.06.2020. godine, izdatu od strane Porezne uprave Federacije BiH-Ispostava Breza.

Uvidom u gore spomenutu Listu osiguranih lica, Komisija za javne nabavke cijeni da je ponuđač "Ame" d.o.o. Breza propustio da dostavi dokaz o radnom angažmanu za Benarisa Brkića, KV vozača motornih vozila, jer se isti uopšte ne nalazi na dostavljenoj Listi osiguranih lica od 23.06.2020. godine, izdatoj od strane Porezne uprave Federacije BiH-Ispostava Breza.


Na taj način, ponuđač je postupio suprotno jasno postavljenom zahtjevu ugovornog organa propisanim odredbama tačke 7.4.2. pod b) TD-Napomena III.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, a postupajući u skladu sa odredbama člana 68. Zakona o javnim nabavkama BiH, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke radova na zimskom održavanju lokalnih i nekategorisanih puteva i trotoara na području općine Vogošća, u sezoni 2020/2021. godine, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo


Dostavljeno:

1. "Ame" d.o.o. Breza
2. Nadležnoj Službi
3. U dosije
4. a/a

032/783-936



OPĆINSKI NAČELNIK


Edin Smajić